



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE ECCLESIA|| TRIVMPHANTE,|| TRIBVS LIBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

IV. Soluuntur argumenta aduersariorum.

[urn:nbn:de:hbz:466:1-53909](https://nbn-resolving.de/urn:nbn:de:hbz:466:1-53909)

GREGORIVS lib.3. Dialog. cap. 24. meminit lampadis,
quæ ardebat etiam noctu, dormientibus omnibus, in templo
S. Petri.

DECIMO probatur ratione ducta ab vtili, & ab honesta.
Ratio ducta ab vtili, est apud Chrysostomum in libro de sa-
cto Babyla Martyre. Deus enim, ut Chrysostomus ait, nihil
ferè vtilius nobis reliquit ad salutem, Sanctorum reliqui-
nihil enim efficacius repræsentat, & insigit in animo mensa-
riam Sanctorum, quam sepulcrum ipsorum. statim eni-
que videmus sepulcrum Sancti alicuius, recordamur illi,
& virtutum eius, patientiæ, caritatis, castitatis, pietatis; &
mul cogitamus quanta gloria fruatur in cœlis pro labo-
breuissimo huius vitæ, &c.

Ratio ducta ab honesto est multiplex. PRIMVM enim cor-
pora Sanctorū fuerunt organa animarum ad omne opusbu-
num. Vide Tertullianū de resurrectione carnis. SECUNDU
fuerunt, & sunt instrumenta Dei ad miracula. TERTIO
sunt pignora patronorum. QVARTO, sunt exuviae carni-
morum. QVINTO, sunt trophyæ triumphantium. SEPTIMO,
designata sunt ad gloriam incredibilem, nimirū, ut super
resurrectionem corpora sole clariora, & vsq; adeò corpori-
bus omnibus præstent, ut super omnia meritò collocentur.
His igitur, aliisque de caussis Sanctorum reliquiæ à fidei-
bus magni fiunt, & debito cultu honorantur.

C A P V T I V .

Soluuntur argumenta aduersariorum.

EX iis, quæ dicta sunt, nō erit difficile argumen-
tum soluere, quæ initio proposuimus.

Igitur ad PRIMVM argumentum, quod ex
Ioannis Wiclef ex Euangelio de promptum, re-
spondemus, Dominum non reprehendere Iudeos, quid e-
dificarent, vel ornarent monumēta Prophetarum, sed quid
non imitatentur eos quorum monumēta ornabant, sed po-
tius eos, qui illos occiderunt, atq; ita seipso condemnari.
Sic enim exponunt eum locum ferè omnes Patres, vt Hil-
arius, Hieronymus, Chrysostomus, Theophylactus in cap. 23
Marth. & Ambrosius, ac Beda in cap. 11. Lucæ.

Proph.

Prophetorum, inquit AMBROSIUS, ædificatione tumulorum, sceleris eos, qui occiderunt, arguebant, & similium accumulatione factorum se quoque declarabant paternæ iniqtitatis heredes; non igitur ædificatio, sed amulatio loco criminis estimatur. Hæc ille. Et CHRYSOSTOMVS hom. 75. in Mat. Non quia ædificant, inquit, nec quia Patres suos accusant, & illis dixit, sed quoniam ita facientes, & ita dicentes Patres suos condemnare audebant, cum ipsis peiora committerent.

DICES; At Luc. ii. Dominus ait: Profectò testificamini, quia consentitis operibus Patrum vestrorum, quia illi Prophetas occiderunt, vos autem ædificatis eorum sepultra. Vbi videtur Dominus accusare ipsam ædificationem tanquam testimoniūm consensus in necem Prophetarum.

RESPONDET Chrysostomus loco citato, Iudæos ædificare solitos sepultra Prophetarum, non ut honorarent Prophetas, sed ut ostenderent vires, & potentiam maiorum suorum, qui Prophetas occidere potuerunt. Licet enim Iudæi non esse hanc suam intentionem dicerent, sed omnino contraria; tamen reuera hanc fuisse eorum intentionem patet, quia occidere quærebant Dominum Prophetarum.

HIERONYMVS in cap. 23. Matthæi paulò aliter exponit; dicit enim antiquos Iudæos ex superbia occidisse Prophetas; recentiores autem ex superbia, & ambitione ædificasse sepultra eorundem, & proinde eo facto consensisse operibus Patrum suorum.

CAIBTANVS satis accommodatè exponit, eum, qui se pelit occisum, posse id facere vel ut honoret mortuum, vel ut compleat actum homicidæ; ordinariè enim homines occiduntur, & postea sepeliuntur, ut scelus lateat. Iudæi autem etiamsi dicerent se ædificare sepultra Prophetarum, ut eos honorarent, tamen id facere videbantur, ut complerent opera Patrum suorum, ut patet ex eo, quod ipsi postea maiores Prophetas, id est, Christum, & Apostolos aliquos occiderunt.

Ad SECUNDVM dico, in monumentis adesse, ut minimum, memoriam Sanctorum; nam in de sepultra Sanctorum apud veteres passim dicuntur memoriae. Porro memoria Sanctorum honorabilis est. Alioqui nec in sepulcro Christi adest nunc anima, vel caro Christi, & tamen iuxta Isaiam, cap. II. erit sepulcrum eius gloriosum. Dico præterea, in sepulcris

LLLIII Sancto-

Sanctorum inueniri alteram partem substantiae ipsorum, id est, materiam illam ipsam, quam Spiritus Sanctorum animarunt, & rursum animabunt.

Ad PRIMM Caluini de Mosis corpore, multis modis responderi potest. Hilarius in cap. 17. Matth. Ambrosius lib. 12 Cain, cap. 2. & Gregorius Nyssenus in vita Mosis dicunt, Mose non dum esse mortuum, & proinde nec sepultum, translatum cum Henoch, & Helia. id quod etiam aliquantum centiorum docent. Sed id non facilè defendi potest; & argumentis eam sententiam oppugnat Rupertus in cap. Deuteronomij. PHILo in fine librorum de vita Mosis docet, mortuum quidem Mose, & sepultum, sed ad gloriam Mosis pertinere, quod sepultus sit in sepulcro tam admirando, ut nullus hominum dignus fuerit inquam illud confidere. quo etiam videtur alludere Oecumenius in epist. Iudei. Probabile tamen est quod scribit Chrysostomus homilijs Matth. occultatum fuisse Mosi sepulcrum, ne à Iudeis colatur pro Deo.

DICES; nec coluerunt Mose viventem pro Deo, ergo multò minus coluissent mortuum. RESPONDEO, viventem non coluerunt, quia quotidie ab illo audiebant, vivere esse verum Deum, se autem illius serum: At post mortem cordati mirabilium eius, & non audientes verba eius, facile potuissent adduci ut crederent esse Deum, eumque adorarent si scirent ubi esset, præsertim quia valde credibile est corpus eius, licet mortuum, conseruasse adhuc splendorem vultus decorem, quem antea habebat, sicut multis Sanctorum videntur. Exemplum habemus in serpente æneo; nam Numerius iubente Mose aspiciebant Iudei tacti à serpentibus in illius æneum serpentem, & curabantur; nec tamen eum adorabant cultu latræ, quia nimis Moses dixerat illis, serpentem illum non esse Deum, sed signum duntaxat salutis: at 4 Regum 18. eidem serpenti tanquam Deo sacrificabant, cum tamen iam nulla operaretur miracula, & ideo ab Ezechia confactus fuit.

DICES; idem periculum est nunc in reliquiis aliorum Sanctorum. RESPONDEO, falsum esse. nam populus Iudeorum eo tempore propensissimus erat ad idololatriam, ita etiam vitulos aureos coleret; Vnde post captiuitatem Babylon.

Ionicam, quia populus ille non amplius coluit idola, vide-
mus Deum illustrasse sepulcrum Isaiae, Ezechielis, Hiero-
miæ, Helisæi, Abdiæ, & aliorum multis miraculis, & gratum
habuisse cultum, qui ossibus eorum exhibebatur, ut Epipha-
nius, & Hieronymus tradunt. Adde quod nunquam est audi-
tum apud Christianos, ut aliqui Sanctorum reliquiis diui-
nos honores detulerint: nec desunt in Ecclesia, qui & lite-
ris, & sermonibus populos doceant, quis cultus reliquiis de-
beatur.

Ad SECUNDVM dico, 2. Corinth. 5. cum dicitur: *Et si no-
uimus Christum secundum carnem, sed iam non nouimus*, per
carnem intelligi mortalitatem & passibilitatem; & sensum
esse, si nouimus aliquando Christum mortalem & passibi-
lem, nunc non nouimus, nisi immortalem & impassibilem;
sicut 1. Corinth. 15. dicitur: *Caro & sanguis regnum Dei non
possidebunt. Et Hebr. 5. Qui in diebus carnis sua preces suppli-
cationesque obtulit, &c.* Sic exponunt omnes, Chrysostomus,
Theodoretus, Theophylactus, Oecumenius, Ambrosius,
Anselmus, &c.

Eodem modo respondit VII. Synodus act. 6. Tomo IV. ei-
dem argumento, quod ab Iconomachis obiectum fuerat, vbi
etiam additur testimonium S. Cyrilli. Et quod non velit Apo-
stolus docere (quod Caluinus ait) esse obliuioni tradendum,
& missum faciendum quidquid in Christo carnale fuit, id est,
omnem memoriam humilitatis eius, ut solùm de spiritu &
divinitate cogitemus, patet; nam Paulus 1. Cor. 11. dicit Sacra-
mentum Eucharistiae institutum in memoriam passionis; &
addit: *Quotiescumque manducabis panem hunc, & calicem
bibetis, mortem Domini annunciatis donec veniat:* & ipse
nihil saepius repetit, quam crucem, & passionem, & mortem
Domini. Et quomodo, quæso, iuxta Isaiam, cap. 11. effet sepul-
crum eius gloriosum, si deberemus obliuisci mortis Domini?
DENIQUE vel debemus recogitare beneficia Domini, vel
non: Si non, ingratissimi sumus, contradicimusque Paulo,
qui Hebr. 12. ait: *Recognitate eum, qui talem aduersum se me-
ipsum à peccatoribus sustinuit contradictionem.* Si sic, ergo
debemus incarnationem, nativitatem, passionem, & mor-
tem Domini cogitare.

Ad TERTIVM dico. PRIMO, cultum reliquiarum non esse cultum voluntarium, id est, ab hominibus excogitatum, sed esse à Deo inspiratum, ut patet ex Scripturis citatis; nam Scriptura approbat cultum sepulcri, & fimbriæ Christi; item vmbrae Petri, sudariorum & semicinctiorum Pauli, &c.

Dico SECUNDО, apud Paulum Coloss. 2. εδελοθρησκεια non significare cultum quomodo cuncti voluntarium, id est, non præceptum à Deo, sed ab homine excogitatum; sed cultum superstitionis, ut noster interpres rectè veritatem: simul religionem, ut exponit S. Hieronymus in epist. ad Alfragiam quæst. 10. Probandum igitur esset Caluino cultum reliquiarum esse superstitionis, vel falsum, si vellet esse reprehensum à Paulo.

Ad QVARTVM; nego periculum esse idolatriæ, immo cultus reliquiarum est detestatio omnis idolatriæ. nam Martyres mortui sunt, ut idolatriam destruerent; qui ergo Martyris reliquias colit, indicat se gaudere de idolatria destructione. & rectè Christiani apud Ruffinum lib. I. cap. 31. cùm transferrent reliquias Babylæ, caneabant magna vox, Confundantur omnes, qui adorant sculptilia.

Ad illud de cereis, dico, cereos accensos coram tumulis Martyrum non esse signum adorationis Deo debitis; nam non offeruntur cerei Martyribus tanquam sacrificia, sed accenduntur in signum letitiae ignis enim accendi solet ad letitiam significandam etiam in rebus prophanis. Præterea, ignis signum est gloriae; unde Imperatoribus Romanis, & Imperatricibus ubique ignis præferebatur, teste Herodiano, lib. I. Sancti autem vera gloria nunc fruuntur, & cum Christo regnare atque imperant in cœlis, ut merito illorum memoriae ignis accendi possit. Denique ignis signum est vita, proinde cereos protestamur vivere Sanctorum animas, & ipsa corpora ad tempore viatura.

Ad Hieronymum dico, eum cùm ait de iis qui accendunt cereos coram reliquiis (*Confiteor zelum Dei habent, sed non secundum scientiam*) loqui de iis, qui cereos accendunt, estimantes inde Martyres illustrari; nam Vigilantius dixerat, per Ironiam: *Magnum honorem præbent huiusmodi homines beatissimis Martyribus, quos putant de vilissimis cereolis illustrari.* De his ergo qui cum tali opinione falsa cereos accen-

dunt,

dunt, Hieronymus dicit, eos zelum habere, sed non secundum scientiam.

Quod autem Hieronymus absolutè putauerit bonum coram reliquiis accendi cereos, patet PRIMO, quia in epist. ad Riparium ipsem affert in argumentum cultus Sanctorum usum accendi cereos. & lib. in Vigilatium ait: *Causabatur quondam & Apostoli quod periret sanguinem, sed Domini voce correpti sunt. neq; enim Christus egebat sanguento, nec Martyres lumine cereorum: & tamen illa mulier in honore Christi fecit, deuotioque mentis eius recipitur: & quicunque accidunt cereos, secundum fidem suam, habent mercedem.* Et infrā: *Illud siebat idolis, & idcirco detestandum est, hoc fit Martyribus, & idcirco recipiendum est.*

SECUNDO idem patet, quia Hieronymi tempore erat unus eiusmodi cereorum non solum apud mulierculas, sed etiam apud Episcopos & viiuersam Ecclesiam, ut patet ex Paulino, Theodoreto, & aliis supra citatis.

TERTIO, si esset superstitione accendere cereos interdiu coram reliquiis, esset etiam accendere cum legitur Euangelium, & cum mortui deferuntur ad sepulcrum. At qui consuevit ad Euangelium accendi cereos in toto Oriente, docet Hieronymus ibidem contra Vigilantium: & accendi in funere, docet ipse idem in vita Paulae, vbi dicit in funere Paulae etiam Episcopos cereos accensos gestasse.

Ad Concilium Elibertinum respondimus cum ageremus de Purgatorio, Concilium id prohibuisse, quia siebat more Gentilium, inter quos tunc Christiani versabantur, &c.

Ad Augustinum dico, eum vocare sepulcrorum adoratores quosdam, qui (ut ipse putabat) sacrificium panis & vini, aliarumque epularum manibus defunctorum offerebant, & deinde iisdem cibis & vino se ingurgitabant, & inebriabant. Sic enim loquitur: *Noui, inquit, sepulcrorum adoratores, noui multos esse, qui luxuriosissime super mortuos libant, & epulas cadaveribus exhibentes, super sepultos seipsose peliant, & voracitatem, chrietatesque suas depudent religioni.* Sed haec scripsit Augustinus initio conuersionis suæ. Postmodum autem reprehendit quidem illam consuetudinem, sed non tamquam idolatriam; nam lib. 6. Confess. cap. 2. dicit, matrem suam consueuisse ex pietate id facere: sed Mediolani ab Am-

LLIII 3 brosi

brosij Clericis fuisse prohibitam. Ambrosius enim prohibe-
rat istam consuetudinem, ne daretur occasio ebrietati, & qui
videbatur affinis superstitioni Gentilium, licet integro ani-
mo à Christianis id fieret. Idem etiam Augustinus lib. 8. de ci-
uit. Dei, cap. 27. dicit meliores Christianos id non facere, co-
autem, qui id faciunt, non sacrificare defunctis Martyribus
sed ponere super tumulos Sanctorum epulas, ut à Deo
merita Martyrum sanctificantur.

Quod autem Augustinus non putauerit malum venerari
sepultra Sanctorum, patet ex epist. 42. ad Madaurenses: *Vale-*
tis, inquit, imperij nobilissimi eminentissimum culmen ad-
sepulcrum piscatoris Petri submissò diadema e supplicare. Et
NOTA, Augustinum hæc scribere idololatris, ut ostendens
idolorum cultum à Christianis destructum. Præterea Aug-
ustinus cùm reprehendit sepulcrorum adoratores, certè nos
reprehendit Chrysostomum & Hieronymum, sed turbas im-
peritorum. Atqui Chrysostomus sermone in *Sanctos Iuuen-*
tium & Maximum dicit: *Tumulos Martyrum adoremus;* &
Hieronymus ad Marcellam, ut migret Bethleem, dicit, sepul-
tra & cineres Ioannis Baptista, Helisæi, & Abdiæ merito ado-
rari à fidelibus in Palæstina.

GAVDENTIVS Brixianus Ambrosij æqualis, tract. 4. in Eno-
dum: *Cule, inquit, sua causa primum cœperūt homines praec-*
dia mortuis preparare, qua ipsi comedenter; post hoc sacrificari
etiam ausi sunt eis sacrilega celebrare, quamvis nec ipsi mo-
nus mortuis suis sacrificent parentalia, dum super sepulcro-
rum mensas tremulis ebrietate mansibus vina fundentes,
ritum balbuziunt, &c. vbi arguit morem illum tanquam
Gentilium errore relictum. Itaq; fortasse pauci quidam mo-
tuis sacrificabant, qui etiam meritò reprehenduntur, sed non
propterea omnis cultus sacrarum reliquiarum abolendus est,
quia nimius cultus iure reprehensus est.

Ad QUINTVM argumentum, negamus reliquias, que
publicè in templis exponuntur venerandæ, esse supposititiae.
Semper enim Ecclesia diligenter curauit, ne fraudes fierent,
& præcipue post decretum Concilij Lateranensis, ut nullæ
reliquiae publicè recipiantur sine auctoritate Romani Pon-
tificis.

Ad

Ad illud Augustini (*sicut tamen Martyrum*) dico, non mirum, si Augustinus dubitabat de reliquiis, quas quidam priuati homines circumferebant. nos autem de reliquiis agimus, quæ publicè in templis conseruantur.

Ad illud, de pluribus corporibus, dico, in variis locis esse partes eorundem corporum, sed denominari à parte totum; nam, ut scribit Basilius oratione in 40. Martyres, toti Martyres 40. dicebantur tunc esse in variis vrbibus, quia quælibet ciuitas habebat partem eorum. Theodoretus etiam lib. 8. de Martyribus dicit, Martyrum corpora raro inueniri integra in uno aliquo monumento, sed esse diuisa, & distributa in varia loca.

Deniq; S. Ioannes Chrysostomus in libro, quod Christus sit Deus, Apostolum Petrum & Romæ, & Constantinopoli iacere dicit, cum tamen Constantinopoli nihil esset, nisi aliqua particula; nam corpus ipsum Romæ esse sepultum idem Chrysostomus testatur homil. 32. in epist. ad Rom. Sed verba eius audiamus ex libro iam citato: *Roma, inquit, quæ vrbium est regalissima, relictis omnibus, ad sepulcrum piscatoris ēg pel lionis currunt Reges, ēg praesides, ēg milites, ēg Constantinopolis Reges nostri magnam gratiam putant, non si prope Apo stolos, sed si vel extra eorum vestibula, corpora sepeliantur, siantq; pectorum ostiarij Reges.*

C A P V T V .

De nomine Imaginis & Idoli.

SEQUITVR nunc ordine suo disputatio de cultu imaginum; cuius disputationis octo erunt partes. PRIMVM enim dicendum erit de nomine imaginis, idoli, & simulacri. SECUNDO, qui fuerint hostes imaginum. TERTIO, an liceat habere imagines. QUARTO, an liceat eas colere. QUINTO, quo cultu colenda sint.

His addam peculiarem tractatum de cruce, & quidem trimembrem. Nam PRIMO agemus de vera cruce Dominica. SECUNDO, de imagine crucis permanente. TERTIO, de imagine transiente, id est, de signo crucis, quod in aëre pin giimus.